



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三三七

平園雜著內編十四卷 林有席 撰

一

燕川集十四卷 范泰恒 撰

二五三

雲臺山人詩集八卷（缺卷一） 何德新 撰

四九五

道光丙戌錄

林平園雜著

內編

外編嗣出

平園雜著自序

席弱冠附名於學為諸生即好窮治六經誠以六經者聖賢之文實聖賢之道也士不通經則不能文文不出入於經則文亦徒文前人論之詳矣後世以學文學道判為兩途雖高明之士亦坐此病詎知文以

自序

載道道外豈復有文乎今余馬齒屆九十窮經歲月不為不深顧生平所構散體文長或千言短亦數百除汰去壽序不錄詩集另存外尚高可隱人敢謂依經豎義胥範於道中無愧古之立言者耶第思擲管以來道固未有所見而一生心血流於楮

墨間者較諸風雲月露之篇輪轉虛車之飾要不無少異焉爰命兒子大佐分卷編輯置諸案頭再四研磨斷弗畔乎道以終餘年云嘉慶甲子季春之月平園老人林有席自識

自序

二

平園雜著跋

先生天性真摯凡父兄朋友親戚間無不語：見血見骨夫人必有真性情而後有真文章歷觀集內各體各篇一種纏綿不解之意蟠結紙上非他多浮薄者所能賡倣也然則先生之父之品竊得以一言概之

跋

三

曰真碩真有真氣真理真議論真格局真風韻而必歸本於真性情後之讀此集者知有肫摯之天性在則先生呼之欲出矣嘉慶癸酉六月晦前一日目疾畧減輒識大稿後以當跋萬載後學辛炳喬謹書

平園雜著後序

平園先生詩集 敬襄既書其後矣今春令嗣黼堂明經捐館
迄今將卅歲其孤體仁蘊仁兄弟遵遺命奉大父諸書付梓
而自平園雜著內外兩編始 敬襄預警校曷可無言蓋嘗
聞先生之言曰文卽人也以文觀人孰末而推其本十可八
九然而有文人之文有學人之文則以天資學力各有所
偏不兼而全之爲難先生文長於考據冲融有餘不務攻擊
而經道人之善觀人一集或但標舉其證佐分明足爲定論
之處而無所糾正疑於可省然觀其所取可以得全帙之英
華於後學深爲有功至於地志及四書文尤生平精力所萃

後序

四

卷中辨論評騰多人所未經心遇骨肉朋友之間情詞備至
信乎筆墨之外別見孝弟之性所謂才人學人之文兼而有
之者與先生於蔡文勸所選古文雅正有補有續又續可儀
堂百二十家四書文選本及他著述尚多體仁兄弟將次第
梓之而是書先成爰識於後不爲前序所以尊先生猶前跋
詩集意也道光乙酉仲冬月新吳後學趙敬襄謹書

平園雜著內編目錄

分宜林有席儒珍甫著

姪大儀繕輯

男大佐編次

卷一記

重修吉安府學記

重修贛縣學記

東湖縣學記

萬氏聯本堂宗祠記

萍鄉文公合三家祠記

樓霞黃氏興五世祖祀典記

夏侯氏懋德堂記

東湖縣新建育嬰堂記

萊根書屋續記

重修東湖縣城記

新建昌峽浮橋記

重修平南縣內署記

錢氏漁洲講塾記

睢寧縣沈家湖開濬新河記

平園雜著內編目錄

宜昌通判朱公桂山署篆黃梅救災記

問竹齋記

東湖城北王氏悠然亭記

卷二序

尚書劄錄序

詩經劄錄序

禮記劄錄序

三曲參解序

離騷參解序

續選古文雅正序

評選國朝文雅正序

新建劉牧亭易解序

志學編序

壽州府志序

東湖縣志序

山陰玉山志序

劉忠愍公全集序

劉名鴈遺集序

送鉛山蔣定甫還朝序

自若堂印譜序

卷三 攷

舜三妃攷

辟雍頌宮攷

詩三百大小序攷

黃鍾之宮為律本攷

朱子資治通鑑綱目攷

元明諸儒論綱目七書攷

明憲宗勅儒臣續綱目攷

序昭穆攷

土一廟攷

庶母不入祠堂攷

文丞相里居攷

宋劉磨勘議式登第攷

兩廣五嶺攷

平園雜著內編 目錄

二

靈渠南渠源流合攷

潯州左右江攷

江西諸水源流攷

江西陂塘水利攷

吉安鹽政攷

卷四 辨

天錫洛書作洪範辨

詩三百叶韻辨

孔子刪詩辨

晏嬰不死君難辨

王安石曰春秋為斷爛朝報辨

考定帝王世次繼續繼嗣辨

泰伯三讓辨

考定帝王世次繼續繼嗣辨

郭范楊三子揚子雲墓祠諸記辨

羅整菴固知紀理氣合一辨

瀟湘羅雪山水辨 分宜昌山龍母事狀辨

五論讀議引對解說

洪範傳道之書論

詩正義論

詩亡然後春秋作論

讀關雎

讀匪風下泉

讀小弁

讀商頌

讀蓼莪

螺山文丞相祠從祀議

募化青原山藏經閣引

潯陽書院祀周程三先生對

詩本音解

九江孔殷過九江至于東陵過九江至于敷淺原合說

平園雜著內編 目錄

三

卷阿矢音說 題星子干氏書左

訓導字說 贈歐陽景洪之任贛州府學

老更說 題袁氏書左

歸來亭圖說

最高亭圖說

卷六 詩序

鈴陽詩徵序

鈴陽五子詩鈔序

潘原功詩序

橫塘袁氏詩乘序

朱荆園詩集序

嚴抑亭詩刪序

鄧悔菴詩序

何岱樵詩集序

汪魚亭詩序

楊子載詩選序

臨川李松園韋廬詩序

徐槐村孝行錄序

蔡謫齋詩序

瓢園詩存序

李弟蔬圃遺草序

七文序

選錄江西後九家時文序

選錄國朝江右四書文序

熊則良先生四書文合鈔序

儲王張任四書文合選序

江左六大家四書文合鈔序

袁州文後序

習池山先生時文序

默溪公四書文序

難著內編

袁鄧四書文合鈔序

鄧梅菴時文序

袁魯齋四書文序

平厚菴四書文小序

杜登聖四書文小序

呂潤樵四書文小序

李岱雲四書文小序

方望溪四書文小序

王已山四書文小序

袁易堂時文序

文贊乾四書文序

七十偶作自序

江右明末諸家附錄

戚介人四書文小序

劉益侯四書文小序

李石臺四書文小序

方百川四書文小序

李穆堂四書文小序

常履坦四書文小序

楊襟江四書文序

鄧望園先生四書文序

望子千存菴先生時文序

四

鄉企嶧四書文小序

黃培山四書文小序

袁易齋四書文小序

王靜樞四書文小序

金長孺四書文小序

賈東臯四書文小序

劉澹溪四書文小序

辛又章四書文小序

劉墨樓四書文小序

魏需堂四書文小序

平園雜著內編

李杞望四書文小序

吳蓉塘四書文小序

李伯峯四書文小序

姚雪門四書文小序

嚴義亭四書文小序

趙竹岡四書文小序

徐巨源四書文小序

陳士業四書文小序

劉詎澠四書文小序

賀子翼四書文小序

嚴得村四書文小序

周慕劬四書文小序

楊賓賓四書文小序

何克恩四書文小序

金雨叔四書文小序

戴元亨四書文小序

曹芳霖四書文小序

趙鹿泉四書文小序

管韞山四書文小序

鄧簪山四書文小序

五

陳丹山四書文小序

胡武孫四書文小序

戚鶴泉四書文小序

段得田四書文小序

黃菊邨四書文小序

楊伯祥四書文小序

萬茂先四書文小序

賀可上四書文小序

何叔子四書文小序

張芑山四書文小序

涂伯子四書文小序

涂若水四書文小序

涂長白四書文小序

甘湛六四書文小序

梁南有四書文小序

袁崑生四書文小序

袁臨侯四書文小序

卷九 譜序

家乘序

顧溪族譜序

新建七坊李氏族譜序

宜春中溪彭氏族譜序

畱田夏氏族譜序

新喻虎瞰章氏重修族譜序

新喻鳳灘河口阮氏族譜序

峽江金田張氏重修九派合譜序

平園雜著內編

目錄

六

輞川鍾氏族譜序

宜春錢氏族譜序

卷十 跋書後

跋朱子酬別張南軒詩卷墨蹟并次原韻題詩二章

跋朱子游畫寒亭五言古詩墨蹟後

編次先子柳亭詩草目錄跋後

嚴平庵公分闢跋

書史記衛世家後

書張子西銘後

書歐陽巽齋題進士第一

書李文忠撰伍伯宏傳後

書通志李泰伯先生傳後

書通志袁州人物傳後

書歐陽文忠公傳後

書吉安志羅聶歐郭諸傳後

書吉安藝文志後

書于存菴志道編後

書邵宏齋先生宏簡錄後

書古文雅正序後

書錢竹汀學士漢書考異後

再書錢竹汀漢書考異後

書翁覃溪學使刻漢石經殘字後

書熊學福益齋虛後

書袁太史子才答李穆堂問三禮書後

書朱子論妾母耐祭諸札後

書朱文端公妾母耐祭議後

卷十一 書序 行畧 書

平園雜著內編

目錄

七

書劉忠愍死事狀

書萬瑞門先生死事狀

書總河黃又生先生死事狀

書奉新鄧孝子沐任事狀

中憲大夫福建鹽法道張公慎獨圖書事

城北張氏甌山祀田書事

書温州司馬涂公捐租贍族贍學事狀

書許真君事畧

先考柳亭公行畧

與袁魯齋論祀典書

附魯齋覆書

覆趙南菴書

覆陶揮五同年書

與熊學橋太史書

覆楊鈍夫書

與楊默堂給事書

與魏雲從書

與于靜專書

與寶太守論贛州府志書

與胡太守論潯州府志書

上愛制府諮詢地方情形書

與劉慶源論梓兩谿先生全集書

卷十二 傳

明大理寺左少卿張公家傳

明工部郎中彭公媿名家傳

顧溪始遷祖文儒公傳 孝子張道院居士傳

宜春中溪彭毓元傳 彭恢菴家傳

平園雜著內編 目錄

三舅氏鄧念齋公家傳 誥封中憲大夫李公厚齋傳

選拔貢生楊子載家傳 文林郎嚴慕菴家傳

卷十三 墓表 肝表 墓銘

文林郎棲霞知縣伍公墓表

郭公梅溪墓表 廩生彭陶亭墓表

廩生彭嘯圃墓表

晉封中憲大夫星子千公恕齋先生墓表

長坑虎岡肝表 先考柳亭公迴岡肝表

從兄善餘堯嶺月岡肝表

從兄次菴妙園月岡肝表

勅封修職郎新建李公樸園墓誌

例授州同知秦和劉公七垣墓誌銘

候選衛守備阮公星垣墓誌銘

贈文林郎鄧公望圃先生墓誌銘

鄧公南嶽先生墓誌銘 國子生趙宗夫墓誌銘

彭訓方墓誌銘 劉廷昭墓誌銘

寧夏巡水利兵備道星子千公墓誌銘

南豐訓導星子千君墓誌銘

吉水訓導趙君墓誌銘 新安知縣彭公墓誌銘

歲貢生八從父墓誌銘 九弟聖清墓誌銘

平園雜著內編 目錄

歲貢生十弟鄒園墓誌銘

卷十四 誄文 祭文 哀辭 告文 賦

誄萍鄉湘東彭公興亭文

誄萍鄉文公合三文 公祭宜春彭寧軒文

公祭劉約亭副總戎文 祭彭寧軒文

祭嚴梅壑文 平樂縣知縣李擎兩哀辭

嚴表姪敘揆哀辭 黃南廬姊丈哀辭

黃氏姊哀辭 東湖縣署告季弟有廩文

告季弟有廩厝下文 東湖縣城隍神祈晴告文

東湖縣改建 崇聖祠告土神文

改建 崇聖祠恭告 文廟文

文廟既成告文

哀古城水警署東告城隍神文

父命作 先世神主安奉新龕告文

大衍虛其一賦

左右江賦

宜春水賦

武城書院賦

待月軒賦

平園雜著內編 目錄

上

平園雜著內編

分宜林有席儒珍甫著

姪大儀續輯

卷一

重修吉安府學記

男大佐編次

吉州始立學記之者廬陵歐陽子修欲歸榮以席於衆後聽鄉樂以觀爲學之成他日又嘆樂舞授器之禮缺畧不行而釋奠徒文具也旨哉古大儒之因學以立教乎夫釋奠於先聖先師必大合樂學祀孔子以定一宗至隆以大成之稱尤取諸樂爲舉似焉然則合樂祀學迺典禮之重者是烏可懈弛衰越相沿飾於故事已哉乾隆三十八年癸巳初夏太守平園雜著內編卷一 記

盧公崧來視吉郡事祇謁廟學詢儒官禮器所在具以殘缺告春秋二祭曲奏于舞又以因循未舉告迺捐廉增補祭樂器考取份生如額教習樂律舞節於是秋八月丁祭器數儀制整齊肅穆歌行舞列和洽雍容無失禮焉然仰瞻棖榘廟貌雖崇而正殿柁梁兩廡廊階泮橋欄檻及道德二坊名宦鄉賢二祠皆有待於修葺甲午春允郡人士修志之請因得備攷郡學建置原流夏六月遂陟吉修學先其大者餘以次舉工既竣迺進諸儒官而告之曰古帝王之於樂也尚已孟子以大成之集擬孔子元大德間用以隆廟號明代卽以名其祀樂廟之用樂也漢章帝以六代樂祀闕里後世又設軒

懸佾舞祀太學迄明乃通之天下郡州縣至我朝考定

文儀注祭樂器舞節撰樂章頒行學校吉安爲江西望郡府學尤麗邑仰瞻儒官職司廟祀謂宜昭宣禮樂之精意用昭中和明備之休以仰副聖天子同節同和之治况十三舞勺成童舞象柔其體詔之樂及其長也春秋教之示以斯須不可去凡所爲導之和淡而平其欲心釋其躁心者匪伊朝夕之故矣尚其顧名而思義哉又進諸生而告之曰子入太廟每事問今諸生得與祀典登大成之堂觀其車服禮器以時媚習儀度而深思聖人詳問之故且聽睹於堂上下之間擊拊開歌合止有節焉俯仰屈伸綴兆疾徐升降上下周

平園雜著內編卷一

記

二

學記闡發樂義可謂一掃因陳却又能恰切時事辛炳喬

重修贛縣學記

天下義而已矣節與名依於義而立所以勝之者氣也前賢謂顓頊果而挾氣激而喜爭然可因之使果於義激於節與名則氣也而進於道矣道者由是而之焉義則其行而宜之者以之持節而節持以之立名而名立總之一歸於學孔子之道學孔子之道者淺之而淺深之而深隨其世代以爲陶冶隨其人之氣質以爲變化卽山川風氣之所囿往往因之以爲轉移顓頊士之聚於學者三百人剛柔純駁不必不各異其趨而其相向以義也則一今觀於修孔子之宮而知之矣先是贛縣學自宋以來遷徙不一今學改自乾隆丙辰閱四

平園雜著內編卷一

記

三

十三年而復修向易東南大成門升而前兩廡址擴年友何君源遠述閩邑在事諸君子意屬記且曰濟源衛侯兩治吾邑諸務與民休息余邑人不放輕有所改作此一役也仍舊貫煥新猷崇美富安聖事不可已請於侯侯曰善輸而輸任而任令不假一胥一吏手惟爾觀厥成陳吉經始週暮而工竣席曰旨哉學道易使之風於斯驗之矣孔子兩稱易使一則曰上好禮一則曰學道夫學道者君子小人之所同而好禮與學道又一以貫之者也惟爾侯事贛人士允蹈之故不待於使不必難其使而學成之易如此此之謂上本於愛人而下臻於易使也三代盛時上皆學道之君子而以禮讓

爲國下皆學道之小人而羣然相率於禮教之中孔子聞絃歌於武城禮樂化民之道也而顓實彷彿之况民之秀者曰士鄉舉里選之所升敷奏明試車服之所遞而加大道之行三代之英由此其選者乎且夫禮範圍而不過道時措而咸宜而義則其質幹也故禮以義起道以義行由是而持其節曰節義由是而立其名曰名義無所往而不爲義也君子義以爲上而以浩然之氣勝之充之則仕亦以行其義而達其道達可行於天下而後行此行義達道之分量固然顓人士何必不然哉敢進前賢之記顓學者貫通其說以質諸衛侯而論於顓諸君子學孔子之道者

平園雜著內編

卷一

記

四

起手數行就顓俗慕義尚氣可與進道立論精切不浮便異撫拾他人學記中理語借作冠冕者可見胸中有獨得之旨故信口說來迴脫凡趨

辛炳喬

東湖縣學記

東湖學仍州舊文廟久不葺辛巳初夏邑紳士請於席願釀金鼎新之有其主者毫不以累於官也席嘉與邑紳士之勇於爲義教諭萬君綿祖訓導趙君汝揚復固爲慇懃遂集議明倫堂俄頃樂輸白金數盈千迺徇其請達諸大府皆報可於是先建崇聖祠次移大成殿向升而上盈丈飾以金珠次兩廡次大成門左右爲鄉賢名宦祠次黌牆西偏稍上爲訓導署皆武舉朱愷董其成櫺星門易以石柱甃石修泮沼費橋跨其中則國學生何遠獨任之邑紳士所醵金一任出納同學各君分力以佐時則聞風起者有若荊州屬之宜都同

平園雜著內編

卷一

記

五

郡之長陽而東湖文廟工猶未訖明年秋採葺邑新志遂備錄其緣起入志中墻垣塔堦櫺星學之甬道工費缺不敷倘所謂未成一簣尤初而不及泉者歟或曰壬午大比士邑文武試無獲雋者癸未禮闈亦不第惠徵福於聖靈之謂何遂巡不竣厥工曷怪焉席不禁作而言曰子謂邑紳士之勇於爲義遽富貴利達之是圖耶昔孔子以喻義喻利判君子小人孟子七篇益明益著宋儒張氏枬叙孟子以有爲無爲辨義利之分爲聖學無所爲而然也一涉於有所爲不獨名位貨殖而後爲利者陸氏九淵講喻義章又反覆於科舉之學之弊以明利之中人者深然則二子於義利之微旨已推究

於其所以然窮之至於其所終極矣。雖子朱子猶亟推焉。邑紳士豈不聞之。而子猶惑於富貴利達之說是烏可以不責其志哉。夫所喻由其所習。所習由其所志。陸氏之說責志者也。而張氏以立志為先。至於灼然有見於義利之辨。轉深憾於平時吾利欲之多。而力圖救過之不服。亦不可謂不責其志者矣。惟能責而後能立。義立而所志一歸於正。不參錯於佛老。不泛濫於章句。不沈溺於科舉。而一無所為焉。庶有得於所以為學之指意。而後之取名致科。卓然發見於志節事功之大。皆於是乎信。而有徵。若夫過廟而思敬。奉聖以為的。激於義之不可已。而毅然必要其成。特邑紳士安聖人之靈。

平園雜著內編

卷一

六

而所志之迹存焉耳。於科第何有不深維。國家立廟建學之本。弄筆墨以邀利達。此李氏觀所譏於秦廢詩書。人惟見利而不聞義者也。彝陵楚西塞。楚自陳良悅周孔。開道學之先。屈宋迫忠憤而作楚騷。接跡風人。今於東湖為同郡。而李氏籍南豐。陸氏籍金溪。按諸春秋戰國地皆隸楚。張氏生湖湘。為楚內地。楚於道學所從來者遠。故三子辨義利有相發者。其風騷文學流於江漢之間。天性然也。鄉先輩之遺風猶有傳焉。盡各進中才子弟。慨然謀希聖之學。而深味於儒先義利之辨。知國家所為大比士而應賓興之選者。必斯人也。慎毋膠或者之論於中。徒自外於孔孟之宮牆焉可。

中段申義利之辨。挽科舉之陋。真是正人心而昭達道於學記中能特標一幟者。
辛炳喬

平園雜著內編

卷一

七

萬氏聯本堂宗祠記

古者以祖孫父子爲三世孫必親其祖武子必繼其宗祧士庶之家之不可行大宗也勢也而小宗則皆可行然終不足以收族今之所謂宗祠即古之所謂宗廟凡皆以宗嚴耳新喻萬氏之居城北自南宋以來歷有年所而宗祠之建則在明萬歷天崇間大都仿古宗法而存其意者其宗祠立額獨有取於聯本疑之者曰本自一也何聯之與有近世攀援附會非宗而聯爲宗轉倏然以聯宗爲名本而曰聯母乃類是余聞而嘆曰疑者得聞矣雖然非是之謂也老泉云小宗親盡則無服無服則塗人也一本之親分而至於塗人其初皆一人之身一本之謂何其不可不有以聯之也明甚就一人之身而論身者親之枝也兄弟者吾親之身所一體而兩分者也。不親其親不長其長則忘本本不可忘必思有以聯之則本立而道生矣聯者屬也聚也合也不相繫屬由於無本雖欲聯之而終隔不相聚處由於非本雖欲聯之而終散不相會合由於二本雖欲聯之而終分天之生物使之一本夷子二本孟子危言以動之使之反其本反其本則分者合散者聚即隔者亦相屬而無間斯聯之道得焉矣聯之時義大矣哉夫本之係於天屬者原無待於聯本之汨於後起者聯之而動以天則孝弟之心油然而生而天下之大本已立務

平園雜著內編卷一

記

八

平園雜著內編卷一

記

文

本者務此者也端本者端此者也崇本者崇此者也本而曰聯獨非所以聯此者乎周子嘗謂萬物皆本於太極一本散爲萬殊故一實而萬分萬殊聯爲一本則是萬而爲一由周子之說推之尊先人之得姓受氏其微旨亦隱藏於聯本之中矣萬氏諸君子喜曰先生之說怡然理順余等聞之無不渙然冰釋請筆之於書俾族人子姓共曉然名堂之義余曰諾爰說次其說以爲記

根据老泉益加發揮七洞八達直能化舊生新 辛炳喬

萍鄉文公合三家祠記

士居國民之首。本儒家通稱。至初筮仕而稱為士者。則從其所授之職。而別為上士。中士。下士。其見於周官可攷也。近代官階自五品而上。稱大夫。六品而下。稱郎官。如記所稱適士。官師統之矣。今之所謂郎。即古之所謂士。士得立廟。一。中庸引孔子稱上祀之禮。達於士庶人。而大夫士葬從死者之爵。祭用生者之祿。若網在綱。有條而不紊焉。茲余於萍西文氏之為其尊甫合三公立家祠。竊以為有合於士一廟之制。於其請記。樂得而發明其義。曩者讀禮記祭法。有適士二廟。官師一廟之文。頗不得其解。考諸箋疏家。以適士即上士。官師

平園雜著內編卷一

記

十

即中士。下士二廟云者。大夫本三廟。後為士則廢其一。而為二。先世無大夫。而但為士。僅可立一廟。朱子所謂一廟止及禰者也。義疏又以世適之法推之。適則宗主四親之祭。四親外又有一廟。祭禰分之為上。中。下士。合之統為官師而立廟。廟正可參觀於王制祭器之專言士一廟者。而通其解矣。文公合三有子七人。皆以士起家。長國元。次華元。五膺元。六鼎元。七守元。並文學知名。選明經者二。三和元。官廣藩參軍。四調元。官南皮令。六鼎元。需次刑部司獄。儼然與於上。中。下士之列。而為官師例得為禰立廟。合三家素封好禮。捐館舍近二十年。其行誼已具於袁大理筠齋誌銘中。七子既析產各

居一室。畱其餘貲奉母夫人陳太君。太君賢而有士行。戚黨

嘖嘖稱女士。謂足以承合三公之令德。而擴充之。國元華元先尊甫下世。其孫枝復昌熾。嫡長煥。起家武舉。率諸從弟。隨諸從父。順事其祖母陳太君。而經紀其家政。又稟承其三從父和元命。出羸餘所積。構基址於五鳳山第四峰之陽。面白雲山。建立家祠。祀合三公。諸父僉諾而成之。祠凡兩楹。前正祠。廳事。祠前正門後寢室。丹堊黝漆。各如制。有墀。有棧。有環。以牆垣立門枋。兩傍構書室。外有空基。祠成。將率子若孫等。延名師課學。其間凡皆仰體陳太君之志事。而善所以繼述之者也。文氏其益碩大有積德乎為禰立祠。其本也。敦厚以

平園雜著內編卷一

記

十一

崇禮也。為子若孫課學。培其本也。溫故而知新也。爰書其平時所搜討於士一廟與文氏之有合於禮文者而為之記。一不文不漏義約理明 辛炳喬

樓霞黃氏與五世祖祀典記

余居邑北文標鄉白水鄉與邑西北陽橋樓霞黃氏同相距不二十里世爲婚姻昵好其先世以來相承支派恒耳熟焉而家祭祀典宗文公朱子家禮亦與余族相彷彿基祖以下四世沿及近代爲一統宗合立春秋二祭歲以爲常惟第五世諱信公傳六世諱貴公七世諱顯公兄弟二弟無出以文學吉五公繼傳衍兩大支衣冠文物凡九世以迄於今碩大繁滋鈐北黃氏不一族推樓霞爲最殆非偶然顧第五世爲一大宗獨無特祭於禮頗缺其族長老數數議興舉以力不逮未遑也乾隆辛亥婚友黃西園翁主族政慨然捐租谷五十圓雜著內編卷一記

十担倡族人士量力扶助畧權子母積五年至今乙卯置田十餘畝租若干担於是號於衆曰祭可興矣遂取臘朔吉日大合兩支族姓敬謹如儀請五世支祖主出廳事而以六七兩世祖主配享祭畢俛餘胙悉如春秋舊規一堂之上雍雍如也中表邑庠生以方翁手狀巔末問記每嘆秦廢封建漢雖累建諸侯而有尾大之憂卒格不行宗法遂敗壞不可復則禮大傳所稱尊祖敬宗收族故宗廟嚴者安在哉近代老師宿儒猶斷斷拘大宗小宗之說欲循古制而行之行其文而失其本存其名而亡其實禮究不能以義起此權宜通變之所以難也伊川程子建議上下俱得祭其始祖及高曾

祖祫合始祖四親爲一廟明乎人本乎祖祭法由服制而起實得人情之安朱子雖不舉始祖之祭特以僑居於閩其精神不能遠貫非謂有始祖廟在本籍亦忽然停止而不舉其祭也黃氏先正既已立始祖廟并高曾祖考而耐祭之茲又提五世支祖而分兩派者定爲臘祭有其舉之斯於情安於義協於尊祖敬宗收族而宗廟嚴者無不合焉夫三王異時不相襲禮夏造殷因所損益可知所宜折衷程朱大儒而權宜通變以達其仁孝之意者可類推矣爰沿此以復於以方翁并告諸族長老而爲之記

宗法既廢當崇服制此正義也遵程氏而圓融朱子之言

平園雜著內編卷一記

主

通人之論不同附會 辛炳著